



SAMBAND ÍSLENSKRA SVEITARFÉLAGA

Til allra sveitarstjórna

Reykjavík 28. júní 2016

1605113SA MKH/-

Málalykill: 01.04

Efni: Viðmiðunarlaunatafla fyrir fulltrúa í sveitarstjórnnum

Á fundi stjórnar Sambands íslenskra sveitarfélaga, sem haldinn var föstudaginn 24. júní 2016, var lagt fram minnisblað framkvæmdastjóra sambandsins um viðmiðunarlaunatöflu fyrir fulltrúa í sveitarstjórnnum. Minnisblaðið var lagt fram á grundvelli stefnumörkunar sambandsins 2014–2018, en þar er sambandinu falið verkefni er varðar kjör og starfsumhverfi kjörinna fulltrúa. Markmiðið er nr. 3.1.4 í stefnumörkuninni og hljóðar svo: „Sambandið skal hlutast til um að gerð verði úttekt á kjörum og starfsumhverfi kjörinna fulltrúa og ástæðum mikillar endurnýjunar í þeirra röðum. Á grundvelli hennar verði lagðar fram tillögur til úrbóta og að leiðbeinandi viðmiðum.“

Haustið 2015 aflaði starfsmaður á hag- og upplýsingasviði sambandsins upplýsinga um launakjör sveitarstjórnarmanna frá sveitarfélögunum með rafrænum spurningalista. Vorið 2016 var annar rafrænn spurningalisti sendur út til að afla frekari upplýsinga. Þessar upplýsingar hafa verið notaðar í úttekt á kjörum sveitarstjórnarmanna. Jafnframt voru nýttar fyrirbyggjandi upplýsingar frá Jafnréttisstofu og úr rannsókn Gunnars Helga Kristinssonar um *Hin mörgu andlit lýðræðis* til að meta starfsumhverfið.

Þegar rýnt er í gögnin þá er niðurstaðan sú, að kjörnir fulltrúar eru almennt sáttir með starfsumhverfi sitt, en launin eru það sem þeir eru óánægðir með.

Á framangreindum fundi stjórnar sambandsins var lögð fram endanleg hugmynd að leiðbeinandi viðmiðum um launakjör, sem sveitarstjórnir geti notað til þess að ákvarða þóknun til kjörinna sveitarstjórnarmanna fyrir setu í sveitarstjórn. Stjórnin fól framkvæmdastjóra sambandsins að koma henni á framfæri við allar sveitarstjórnir í landinu.

Til grundvallar viðmiðunarlaunatöflunni er gengið út frá grunnlaunum borgarfulltrúa í Reykjavík. Samkvæmt *Samþykkt um kjör og starfsaðstöðu kjörinna fulltrúa hjá Reykjavíkurborg*¹ eru laun borgarfulltrúa fyrir setu í borgarstjórn og setu í einni til tveimur nefndum ákveðin 77,82% af þingfararkaupi alþingismanna, eins og það er á hverjum tíma. Jafnan er gengið út frá því að seta í borgarstjórn og í einni til tveimur nefndum sé fullt starf. Í samþykkt Reykjavíkurborgar segir: „*Sitji borgarfulltrúi ekki í nefnd í flokki I eða í flokki II skerðast grunnlaun hans um 50%.*“ Af því má álykta, að sitji borgarfulltrúi aðeins í borgarstjórn, sé hann í hálfu starfi – hann sinni sveitarstjórnarstörfum í u.þ.b. 87 klst. á mánuði – og fái greitt fyrir það 38,9% af þingfararkaupi.

¹ Sjá vef Reykjavíkurborgar:

http://reykjavik.is/sites/default/files/ymis_skjol/skjol_utgefid_efni/samthykkt_um_kjor_og_starfsadstodu_kjorinna_fulltrua_hja_reykjavikurborg_br_nov_2015.pdf

Við gerð viðmiðunarlaunatöflunnar er miðað við grunntímakaupið 3.425 kr. (Reykjavíkurborg) og töflunni skipt upp frá einni klst. upp í tæpar 87 klst. Með því móti geta sveitarstjórnir ákveðið þóknun til fulltrúa í sveitarstjórn eftir mati á vinnuframlagi þeirra. Hvert þrep í launatöflunni er síðan umreiknað sem hlutfall af þingfararkaupi í aftasta dálki.

Ætla má að vinnuframlag sveitarstjórnarmanna aukist í samræmi við íbúafjölda og því sé eðlilegt að raða sveitarfélögum eftir stærð í viðmiðunarlaunatöfluna. Vissulega geta fleiri þættir haft áhrif og þurfa sveitarstjórnir því að meta slíkt, þegar þær ákveða röðun viðkomandi sveitarfélags í töflunni.

Sveitarfélögin hafa verið flokkuð í átta flokka eftir íbúafjölda: 0–200; 201–500; 501–1.500; 1.501–3.000; 3.001–5.000; 5.001–10.000; 10.001–15.000; og 15.001–50.000. Þessi flokkun er að mestu leyti byggð á greiningu á þeim launum sem sveitarfélögin eru að greiða í dag til fulltrúa sinna í sveitarstjórnunum.

Við afmörkun stærðarflokka sveitarfélaganna inn í viðmiðunarlaunatöfluna var tekið mið af launagreiðslum sveitarfélaganna miðað við þann tíma sem framangreind kjarakönnun var gerð af hálfu sambandsins. Jafnframt var horft til þess að sveitarstjórnir hefðu tök á því að bæta kjör sveitarstjórnarmanna.

Hér að neðan er launataflan dregin saman, sýnd neðri og efri mörk hvers stærðarflokks fyrir sig, bæði sem hlutfall af þingfararkaupi og sem krónutala á mánuði. Stærðarflokkarnir skarast um u.þ.b. 1,35%-stig. Eðlilegt getur talist að sérstakt álag vegna oddvitastöðu í sveitarstjórn sé að lágmarki 25% ofan á viðmiðunarlaun.

Samandregin viðmiðunarlaunatafla

Íbúafjöldi	Neðri mörk	Efri mörk	Neðri mörk	Efri mörk	Meðaltal
0-200	2,24%	6,73%	17.125	51.375	34.250
201-500	5,39%	9,88%	41.100	75.350	58.225
501-1.500	8,53%	13,02%	65.075	99.325	82.200
1.501-3.000	11,67%	16,16%	89.050	123.300	106.175
3.001-5.000	14,82%	19,31%	113.025	147.275	130.150
5.001-10.000	17,96%	22,45%	137.000	171.250	154.125
10.001-15.000	21,10%	25,59%	160.975	195.225	178.100
15.001-50.000	24,25%	28,74%	184.950	219.200	202.075

Viðmiðunarlaunataflan í heild sinni er meðfylgjandi bréfi þessu. Hún miðast við þingfararkaup 1. júní 2016, eins og það var ákveðið af kjararáði þann 9. júní sl.

Áréttað er að viðmiðunarlaunataflan miðast við laun fyrir setu í sveitarstjórn án alls álags vegna oddvitastöðu í sveitarstjórn eða setu í nefndum sveitarfélagsins.

Það er algjörlega á hendi hvar og einnar sveitarstjórnar hvort hún nýtir sér töfluna eða ekki. Vel má sjá fyrir sér að sveitarstjórnir geti jafnframt notað viðmiðunarlaunatöfluna við ákvörðun á launum fyrir setu í nefndum

sveitarfélaganna, eins og t.d. fyrir setu í bæjarráði, fræðsluráði og skipulags- og umhverfissráði. Þá þarf að meta vinnuframlagið inn í töfluna í hverju tilviki fyrir sig.

Undirritaður, ásamt Magnúsi Karel Hannessyni, sviðsstjórar rekstrar- og útgáfusviðs sambandsins, og Vali Rafni Halldórssyni, stjórnsýslufræðingi á sama sviði, veita allar nánari upplýsingar um viðmiðunarlaunatöfluna.

Virðingarfyllt
SAMBAND ÍSLENSKRA SVEITARFÉLAGA



Karl Björnsson
framkvæmdastjóri

Meðfylgjandi: Viðmiðunarlaunatafla fyrir fulltrúa í sveitarstjórnnum.

Almennur fulltrúi í sveitarstjórn (án nefndarlauna eða álags fyrir formennsku)

Klst. mán.	% af fullu starfi	0-200	201-500	501-1.500	1.501-3.000	3.001-5.000	5.001-10.000	10.001-15.000	15.001-50.000
72,0	41,5%	246.600	246.600	246.600	246.600	246.600	246.600	246.600	246.600
73,0	42,1%	250.025	250.025	250.025	250.025	250.025	250.025	250.025	250.025
74,0	42,7%	253.450	253.450	253.450	253.450	253.450	253.450	253.450	253.450
75,0	43,3%	256.875	256.875	256.875	256.875	256.875	256.875	256.875	256.875
76,0	43,8%	260.300	260.300	260.300	260.300	260.300	260.300	260.300	260.300
77,0	44,4%	263.725	263.725	263.725	263.725	263.725	263.725	263.725	263.725
78,0	45,0%	267.150	267.150	267.150	267.150	267.150	267.150	267.150	267.150
79,0	45,6%	270.575	270.575	270.575	270.575	270.575	270.575	270.575	270.575
80,0	46,2%	274.000	274.000	274.000	274.000	274.000	274.000	274.000	274.000
81,0	46,7%	277.425	277.425	277.425	277.425	277.425	277.425	277.425	277.425
82,0	47,3%	280.850	280.850	280.850	280.850	280.850	280.850	280.850	280.850
83,0	47,9%	284.275	284.275	284.275	284.275	284.275	284.275	284.275	284.275
84,0	48,5%	287.700	287.700	287.700	287.700	287.700	287.700	287.700	287.700
85,0	49,0%	291.125	291.125	291.125	291.125	291.125	291.125	291.125	291.125
86,0	49,6%	294.550	294.550	294.550	294.550	294.550	294.550	294.550	294.550
86,7	50,0%	296.828	296.828	296.828	296.828	296.828	296.828	296.828	296.828
173,3	100,0%	593.655	593.655	593.655	593.655	593.655	593.655	593.655	593.655

Þingfararkaup	762.940	
Laun borgarfulltrúa fyrir setu í borgarstjórn og setu í a.m.k. 1. nefnd	77,82% af þingfararkaupi	Tímakaup:
Borgarftr. sem situr aðeins í borgarstjórn	593.720	3.425
	296.860	3.425

Íbúafjöldi	% af þingfk.		Kr. pr. mán.		Meðaltal
	Neðri mörk	Efri mörk	Neðri mörk	Efri mörk	
0-200	2,24%	6,73%	17.125	51.375	34.250
201-500	5,39%	9,88%	41.100	75.350	58.225
501-1.500	8,53%	13,02%	65.075	99.325	82.200
1.501-3.000	11,67%	16,16%	89.050	123.300	106.175
3.001-5.000	14,81%	19,30%	113.025	147.275	130.150
5.001-10.000	17,96%	22,45%	137.000	171.250	154.125
10.001-15.000	21,10%	25,59%	160.975	195.225	178.100
15.001-50.000	24,24%	28,73%	184.950	219.200	202.075